

**FOND ZA ZAŠTITU OKOLIŠA  
FEDARCIJE BOSNE I HERCEGOVINE**

**UPRAVNI ODBOR**

Na osnovu člana 13. Statuta Fonda za zaštitu okoliša FBiH ("Službene novine Federacije BiH", broj: 33/06, 1/15 i 62/15), Upravni odbor Fonda za zaštitu okoliša Federacije BiH na nastavku 28.sjednice održanoj dana 25.01.2023. godine donosi:

**ODLUKU**

**o poništenju Javnih konkursa za dodjelu sredstava za realizaciju programa, projekata i sličnih aktivnosti iz područja zaštite okoliša za 2022. godinu - JK 2022/1, JK 2022/2, JK 2022/3 i JK 2022/4**

**I.**

Poništavaju se Javni konkursi za dodjelu sredstava za realizaciju programa, projekata i sličnih aktivnosti iz područja zaštite okoliša za 2022. godinu - JK 2022/1, JK 2022/2, JK 2022/3 i JK 2022/4 koji su objavljeni u Službenim novinama Federacije BiH - Oglasni dio broj: 56/22 od 15.07.2022.godine i 59/22 od 22.07.2022.godine, dnevnim novinama: „Dnevni avaz“ i „Večernji list“ kao i na službenoj stranici Fonda: [www.fzofbih.org.ba](http://www.fzofbih.org.ba).

**II.**

Fond za zaštitu okoliša Federacije BiH će sve aplikante obavijestiti pismenim putem.

**III.**

Zadužuje se direktor da odluku objavi u dnevni listovima "Dnevni avaz" i "Večernji list".

**IV.**

Ova Odluka je konačna, te se protiv iste ne može izjaviti žalba.

**V.**

Ova Odluka stupa na snagu danom donošenja.

## O b r a z l o ž e n j e

Upravni odbor se obratio Ministarstvu za financije FBiH radi dostave Mišljenja o donošenju odluke u 2023. godini o dodjeli sredstava za realizaciju programa, projekata i sličnih aktivnosti iz područja zaštite okoliša po javnom konkursu za 2022. godinu, a temeljem Mišljenja (Ur. 06-02-8-271/23 od 17.01.2023.godine) iz Ministarstva financija koje glasi „u smislu postavljenog upita, napominjemo da je člankom 76. Zakona o proračunima u Federaciji Bosne i Hercegovine propisano da se priznavanje prihoda i primitaka, te rashoda i izdataka temelji na modificiranom računovodstvenom načelu nastanka događaja, da se prihodi i primitci priznaju u onom razdoblju kada su mjerljivi i raspoloživi, odnosno kada su uplaćeni na JRR, te da se rashodi i izdatci priznaju na temelju nastanka poslovnog događanja (obaveze) i u izvještajnom razdoblju na koje se odnose neovisno o plaćanju.



S tim u svezi, da bi se u skladu sa Zakonom o proračunima u Federaciji Bosne i Hercegovine i podzakonskim aktima, mogla izvršiti odgovarajuća knjigovodstvena knjiženja i druga evidentiranja u poslovnim knjigama, nužno je da se akt temeljem kojeg bi se takva knjiženja i izvršila, donese u fiskalnoj godini na koju se i odnose.

Kako se proračunsko računovodstvo temelji na računovodstvenim načelima točnosti, istinitosti, pouzdanosti, sveobuhvatnosti, pravodobnosti i pojedinačnom iskazivanju poslovnih događanja, mišljenja smo da bi donošenje odluke u 2023. godini o dodjeli sredstava za realizaciju programa, projekata i sličnih aktivnosti iz područja zaštite okoliša po javnom konkursu za 2022. godinu bio u suprotnosti s važećim propisima iz oblasti proračunskog računovodstva koje se vodi po načelu dvojnog knjigovodstva prema rasporedu konta iz analitičkog kontnog plana, te se odgovarajuća knjigovodstvena knjiženja i druga evidentiranja u poslovnim knjigama ne bi mogla knjižiti/evidentirati u poslovnim knjigama 2022. godine.“

Slijedom prednjeg, odlučeno je kao u dispozitivu ove Odluke.

**Predsjednica Upravnog odbora**

**Dr. Mirjana Milicević**



Broj: UO-01-3-39-28-2/2023  
Sarajevo, 25.01.2023. godine